

Bosna i Hercegovina
Federacija Bosne i Hercegovine
Unsko-sanski kanton
OPĆINA BUŽIM
OPĆINSKI NAČELNIK

Broj: 02-04-666-56/25
Bužim, dana 27.08.2025.godine

Na osnovu člana 70. stav (1) i (4), a u skladu s članom 69. stav (3) Zakona o javnim nabavkama („Službeni glasnik BiH“, broj: 39/14, 59/22 i 50/24), u otvorenom postupku nabavke radova – Izvođenje radova na izgradnji javnih rasvjeta na području općine Bužim, Općinski načelnik općine Bužim, kao rukovodilac organa uprave donosi:

ODLUKU

o otkazivanju/poništenju postupka javne nabavke – lot 4, lot 15 i lot 17

I

Otkazuje se/poništava otvoreni postupak javne nabavke radova za:

- LOT 4 - Javna rasvjeta Grbavice,
- LOT 15 - Javna rasvjeta Kedići, i
- LOT 17 - Javna rasvjeta Donja Lubarda (Lubarda – Eminići),

u skladu s članom 69. stav (3) Zakona o javnim nabavkama, čime se u skladu s članom 69. stav (1) alineja b) Zakona o javnim nabavkama okončava predmetni postupak javne nabavke.

II

Ova Odluka objavit će se na web stranici ugovornog organa istovremeno s upućivanjem iste ponuđačima koji su učestvovali u predmetnom postupku javne nabavke u skladu s članom 70. stav (6) Zakona o javnim nabavkama.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj: 02-04-666/25 od 13.06.2025.godine. Javna nabavka je provedena putem otvorenog postupka Izvođenje radova na Izgradnji javnih rasvjeta na području općine Bužim. Obavještenje o nabavci broj: 1119-1-3-51-3-34/25 od 18.06.2025.godine - objavljeno na portalu JN (TD preuzelo ukupno 19 ponuđača) i u „Službenom glasniku BiH“, broj: 38/25 od 27.06.2025.godine.

Obzirom da je u predmetnom postupku javne nabavke za LOT 4, LOT 15 i LOT 17 zaprimljena samo 1 (jedna) ponuda u određenom krajnjem roku, a koja je ocijenjena prihvatljivom, Ugovorni organ je dana 06.08.2025.godine donio Odluku o izboru najpovoljnijeg ponuđača za navedene LOT-ove i to „Elektro-Džanić“ d.o.o. Velika Kladuša (Odluka broj: 02-04-666-54/25).

Obavještenjem o rezultatima postupka javne nabavke, broj: 02-04-666-55/25 od 06.08.2025.godine izabrani ponuđač za LOT 4, LOT 15 i LOT 17 je obaviješten o rezultatima postupka, dostavljena mu je Odluka o izboru najpovoljnijeg ponuđača po LOT-ovima, Zapisnik o pregledu i ocjeni ponuda s priložima, te je obaviješten da će mu biti dodijeljeni Ugovori za predmetnu javnu nabavku, te da je dužan u roku ne dužem od 5 (pet) dana od dana

zaprimanja Odluke dostaviti originale ili ovjerene kopije dokaza o ispunjavanju uslova u skladu sa datom izjavom iz člana 45. stav (1) tačka a), b), c) i d) Zakona o javnim nabavkama, kao i ovlaštenje za obavljanje djelatnosti koja je predmet nabavke iz tačke 3.7 Tenderske dokumentacije, ukoliko iste nije dostavio u sastavu ponude.

Uvidom u spis predmeta utvrđeno je da su izabranom ponuđaču za LOT 4, LOT 15 i LOT 17, „Elektro-Džanić“ d.o.o. Velika Kladuša predmetno Obavještenje o rezultatima postupka javne nabavke, broj: 02-04-666-55/25 od 06.08.2025.godine, Odluka o izboru najpovoljnijeg ponuđača i Zapisnik o pregledu i ocjeni ponuda s priložima dostavljeni putem pošte (ponuđač potpisao dostavnicu 11.08.2025.godine i ista je sastavni dio spisa predmeta), a sve u skladu s tačkom 1.2. predmetne tenderske dokumentacije koja reguliše način komunikacije između Ugovornog organa i ponuđača.

Ugovorni organ u ostavljenom roku nije zaprimio originale ili ovjerene kopije dokaza o ispunjavanju uslova u skladu sa datom izjavom iz člana 45. stav (1) tačka a), b), c) i d) Zakona o javnim nabavkama, kao i ovlaštenje za obavljanje djelatnosti koja je predmet nabavke iz tačke 3.7 Tenderske dokumentacije.

U konkretnom slučaju dokazivo je da Ugovorni organ za postupak javne nabavke za LOT 4, LOT 15 i LOT 17 nema više prihvatljivih ponuda i da izabrani ponuđač nije dostavio dokaze o kvalifikaciji u ostavljenom roku, koji su bili uslov za dodjelu Ugovora, shodno čemu su u konkretnom slučaju ispunjeni uslovi za otkazivanje postupka nabavke koji su van kontrole Ugovornog organa i koji se nisu mogli predvidjeti u vrijeme pokretanja postupka javne nabavke.

Članom 69. stav (3) Zakona o javnim nabavkama propisano je da je Ugovorni organ može otkazati postupak javne nabavke samo zbog dokazivih razloga koji su van kontrole ugovornog organa i koji se nisu mogli predvidjeti u vrijeme pokretanja postupka javne nabavke.

Shodno naprijed navedenom Ugovori organ je u skladu sa članom 69. stav (3) Zakona o javnim nabavkama poništio/otkazao predmetni postupak javne nabavke za LOT 4, LOT 15 i LOT 17 i u skladu s članom 70. stav (1) i (4) Zakona o javnim nabavkama donio Odluku kao u dispozitivu.

Pouka o pravnom lijeku


Protiv ove odluke može se izjaviti žalba najkasnije u roku od 10 (deset) dana od dana prijema ove odluke. Žalba se izjavljuje URŽ-u putem ugovornog organa u pisanoj formi direktno, elektronskim putem, ako je elektronsko sredstvo definirano kao način komunikacije u tenderskoj dokumentaciji, ili preporučenom poštanskom pošiljkom u dovoljnom broju primjeraka, a koji ne može biti manje od tri.

Obrada:

Nedžad Kudelić

Dostaviti:

1. „Elektro-Džanić“ d.o.o. Velika Kladuša,
- ② Web stranica općine Bužim,
3. U spis.



U ime ugovornog organa
OPĆINSKI NAČELNIK

Mersudin Nanić, dipl.ing.inf.